

## 2019-imi utoqqalinermi aamma siusinaarluni soraarnerussutisiallit

Saqqummersitami matumani ukiuni 2016-imiit 2019-imut qaammat decembarimi utoqqalinermi aammalu siusinaarluni soraarnerussutisiallit amerlassusaat naatsorsorneqarput.

### Saqqummersitap ilusilersornera

Immikkoortut aappaanni utoqqalinermi siusinaarlunilu soraarnerussutisiallit pillugit kisitsisit pingaarnersiorneqarput. Kisitsisaataasivimmilu tabelini soraarnerussutisiallit suaassusaat, ukiui kiisalu najugaq pingaarnertut sammeneqarput. Saniatigut soraarnerussutisianik pisartagallit kisimiittutut imaluunniit aappariittut pisartagaqarnersut sammeneqarput, tassani aningaasat tunngaviusut tiguneqartartut nammineq apparatusalluunniit isertitai malillugit ilanngagaasarnersut imaluunniit ilanngariikkanik (kaasarfimmiunik) pisartagaqartuunersut, utoqqaat illuanni imaluunniit ulluklut unnuakkullu inissiisarfimmiinneq pissutigalugu. Inatsisit tunngavigineqartut ilanngullugit erseqqissarneqarput.

Immikkoortut pingajuanni soraarnerussutisiallit ukiunut siuliinut naleqqiullugit amerleriarneri ikileriarnenilu sammeneqarput. Immikkoortut pingajuat kisitsisaataasivimmi tabelinik marlunnik soraarnerussutisiallit amerleriarnerinut ikileriarnerinullu kisitsisinik saqqummersitami matumani ilanngunneqarsimasunik tunngaveqarpoq.

Immikkoortut sisamaanni inatsit tunngaviusoq aammalu pisortanit soraarnerussutisiaqalernissamat piumasaqaatit pingaarnersiorneqarput. Januaarip aallaqqaataat 2016 aallarnerfigalugu utoqqalinermi soraarnerussutisiat allanngorput. Allannguummilu pingaarnerpaaq tassaavoq apparatusap isertitaanut attuumassuteqanngitsunik, namminerli saniatigooralugu akissarsiarisimasat tunngavigalugit aningaasat tunngaviusut annertussusissaannik atuutsitsilerneq. Juulip aallaqqaataani 2016-imi siusinaarluni soraarnerussutisianut aqqissuusseqinneq atuutilerpoq. Siusinaarluni soraarnerussutisiallit inuussutissarsiornermi pisinnaasaat ukiut tallimakkaarlugit nalilersorneqartassapput. Soraarnerussutisiat inuussutissarsiornermi piginnaasat malillugit tunniunneqartassapput, akinullu qaffasinnerpaanut, akunnattunut appasinnerpaanullu immikkoortitigaallutik.

Januaarip aallaqqaataat 2017 aallarnerfigalugu utoqqalinermi soraarnerussutisiaqarnissamut ukiut killigitat 65-imiit 66-inut qaffanneqarput.

Tamanna kisitsisitigut paasissutissani ukiunut nalunaarsuutaasartut 2011-miit 2016-imut 65-imiit 69-imut nalunaarsorneqartarsimasut aammalu 2017-imi 2018-imilu 66-imiit 69-imut nalunaarsorneqartarsimasut “70-it inorlugit ukiullit”-nik taaneqarnerannik kinguneqarpoq.

Taamatutaaq siusinaartumik soraarnerussutisialinnut nalunaarsuutit 2017-imi taamaallaat 65-inik ukiulinnik imaqsarsimasut massakkut “65 +”-inik ilaneqarput.

Kisitsisitigut paasissutissat kommunit soraarnerussutisianut naatsorsuserisarfiinit Naatsorsueqqissaartarfiullu inunnut nalunaarsuiffianit nalunaarsuutit tunngavigalugit pilersinneqarput. Immikkoortut tallimaanni nalunaarsuutit tunngaviusut taakkulu suliarineri kiisalu periaaseq nassuiarneqarput.

### **Kisitsisaataasivik**

Kisitsisaataasivimmi kisitsisitigut paasissutissanik nammineq toqqartukkanik aallertoqarsinnaavoq, tassani najugaq, ikiorsiissutit suussusaa, ukiut, suaassuseq, ukioq kiisalu soraarnerussutisiat annertussusaat katiternissaannut periarfissaqarpoq.

### **2016-imiit 2019-imut qaammat decembarimi soraarnerussutisiallit**

Inuk soraarnerussutisianik pisartagalittut naatsorsorneqarpoq ukiumi pineqartumi decembarip 31-ani Kalaallit Nunaanni najugaqarpat, kommunillu soraarnerussutisianut nalunaarsuisarfiini ukiumi kisitsiviusumi qaammat decembarip tungaanut utoqqalinermi imaluunniit siusinaarluni soraarnerussutisiat aningaasartaannik tunngaviusunik tunineqarsimasutut nalunaarsorsimappat.

2019-imi decembarimi utoqqalinermi soraarnerussutisianik pisartagalit 3.820-usimapput. Taakkunannga 374-it Siusinaartumik pensionisiat pillugit Inatsisartut inatsisaani §13, Imm.2 malillugu aningaasanik utoqqaat illuiniinneq imaluunniit inissiisarfimmiinneq pequtigalugu ineqarnermut nerisaqarnermullu ilassutaasunik pisartaqarsimapput.

Utoqqalinermi soraarnerussutisiallit sinneruttut amerlanersaat, katillugit 1.900-t, kisermaatut utoqqalinermi soraarnerussutisiaqarsimapput, 1.546-t aappariittut utoqqalinermi soraarnerussutisiaqarsimasut.

Katillugit 2.391-it decembarimi siusinaarluni soraarnerussutisianik pisartagaqarput. Taakkunannga 130-t Siusinaartumik pensionisiat pillugit Inatsisartut inatsisaanni § 23 immikkoortoq 2 malillugu utoqqaat illuanni najugaqarnermut imaluunniit ulloq unnuarlu paaqqinnittarfinnut nerisaqarnermut ineqarnermullu akiliutit saniatigut nalinginnaasumik pisartakkamit appasinnerusumik pisartagaqarput.

2016-imiit 2019-imut soraarnerussutisiat Inatsisit malinneqartut agguarneri assigiaakannerput. Sinaartumik soraarnerussutisiaqalersimasut allaanerusumik inissisimasut. §43-mi, Imm. 3 aamma 4 (inatsisip atuutsilerneranut tunngasoq) ikilerujussuarput. §15,§16 aamma §17-imut (appasinnerpaamik, akunnattumik qaffasinnerpaamillu siusinaarluni soraarnerussutisianut tunngasut), §9-mut (sulisinnaassutsimikkut annikillisimasut piginnaangorsaaneramik ingerlatsinngitsut) aamma §19-imut tunngasut (naleqquttumik akissarsiaqarfiusumik suliffeqalernissamut naleqquttumik akissarsiaqarfiusumik suliffeqalernissamut periarfissamik peqanngitsillugu) amerlatserujussuurtut.

## Takussutissiaq 1. Pisortanit soraarnerussutisiallit, inatsisini soraarnerussutisiat suuneri malillugit

	2016	2017	2018	2019
Utoqqalinermeri				
§1, Imm. 1 .....	1.938	1.842	1.830	1.866
§1, Imm. 2 .....	1.488	1.395	1.409	1.416
§13, Imm. 2 .....	381	380	380	374
§5, Imm. 2 .....	192	172	151	164
<b>Katillugit</b> .....	<b>3.999</b>	<b>3.789</b>	<b>3.770</b>	<b>3.820</b>
Siusinaarluni				
§15, §16 & §17.....	78	173	389	523
§19 .....	21	39	63	86
§23 .....	133	144	136	130
§43, Imm. 3 .....	385	330	281	140
§43, Imm. 4 .....	1.163	830	735	495
§9, Imm. 1 .....	.	.	.	19
§9, Imm. 2 .....	468	764	782	998
<b>Katillugit</b> .....	<b>2.248</b>	<b>2.280</b>	<b>2.386</b>	<b>2.391</b>

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/SONPEN6>).  
Utoqqalinersiaqarneq pillugu Inatsisartut inatsisaat aamma Siusinaartumik pensionisiat pillugit Inatsisartut inatsisaat uani takukkit: [www.inatsisit.gl](http://www.inatsisit.gl).

## Takussutissiaq 1a: Siusinaarluni aamma utoqqalinermeri soraarnerussutisiat inatsisini malinneqartut

Siusinaarluni §9, Imm. 1 & 2:	Siusinaartumik pensionisiat piginnaanngorsaanermik ingerlatsinnngiffiunngitsut Siusinaartumik pensionisiaqartitsisoq annikinnerpaamik pisartagarineqarsinnaasoq, qinnuteqaateqartut sulisinaanera 51pct.-imiit 75 pct. tikillugu annertussuseqarsimassappat
Siusinaarluni §15:	Akunnattumik siusinaartumik pensionisiaqartitsisoqassaaq pensionisiaqartup sulisinnaassusia 26 pct.-ip 50 pct.--illu akornanni annertussusilerneqarsimappat.
Siusinaarluni §16:	Qaffasinnerpaamik siusinaartumik pensionisiaqartinneqassapput, innuttaasut 0 – 25 pct.-ip akornanni sulisinnaassuseqartut.
Siusinaarluni §17:	Najugaqarfigisami naleqquttumik akissarsiaqarfiusumik siusinaartumik pensionisiaqartoq suliffissaqartinneqanngippat.
Siusinaarluni §19:	Angerlarsimaffiup avataanut paaqqinnittarfimmut il.il. sivisunerusumik inissiisoqartillugu siusinaartumik pensionisiat ilanngarlugit tunniunneqassapput.
Siusinaarluni §23:	Siusinaartumik pensioninut inatsisit nutaat atuutsilernerat pissutaalluni allannginerni.
Utoqqalilluni §1, Imm. 1 & 2:	Kisimiittuulluni imaluunniit aappaarluni utoqqalinersiaqarneq. Utoqqalinersiaqarsoq utoqqalinersiaqalernissamut maleruagassanik naammassinissimannngitsumik aappaarluni
Utoqqalilluni §5, Imm. 2:	utoqqalinersiaqalernissaminut.
Utoqqalilluni §13, Imm. 2:	Utoqqalinersiat ikilineqassapput utoqqalinersiaqartoq paaqqinnittarfinni sivisunerusumik inissinneqarsimappat.

Soraarnerussutisiallit amerlassusaat innuttaasut amerlassussaannut sanilliullugu takuneqarsinnaavoq siusinaarluni soraarnerussutisiallit Nanortalimmi, Paamiuni, Qaanaami, Qeqertarsuarmi, Tasiilami Ittoqqortoormiinu allanut naleqqiullugit amerlanerusut, tassani

innuttaasut 10 pct.-iisa missaanniittut 18-it 65-illu akornanni ukiullit siusinaartumik soraarnerussutisiaqarmata. Nuummi pineqartunut kisitsit 4 pct.-imiippoq. Nuna tamakkerlugu innuttaasut 65-it sinnerlugit ukiullit 91 pct.-ii utoqqalinermi soraarnerussutisiaqarput. Nuummi agguaqatigiissillugu soraarnerussutisiallit 79 pct.-iullutik ikinnerpaapput, Kangaatsiamilu agguaqatigiissillugu 97 pct.-iullutik amerlanerpaallutik.

## Takussutissiaq 2. Soraarnerussutisiallit najugaqarfii malillugit (dec. 2019)

	Utoqqalinermi	Pct.-inngorlugit	Siusinaartumik	Pct.-inngorlugit.
Nanortalik .....	194	94	109	11
Qaqortoq .....	283	91	121	6
Narsaq .....	190	91	93	9
Paamiut .....	164	92	122	14
Nuuk .....	775	79	564	4
Maniitsoq .....	302	93	165	8
Sisimiut .....	420	88	185	4
Kangaatsiaq ....	68	96	64	9
Aasiaat .....	299	93	161	8
Qasigiannugit ...	124	93	46	6
Ilulissat .....	340	87	229	7
Qeqertarsuaq ...	103	93	58	11
Uummannaq ....	178	90	95	6
Upernavik .....	168	90	121	7
Qaanaaq .....	50	93	48	10
Tasiilaq .....	144	89	168	10
Ittoqqortoormiit .	18	90	42	19
<b>Katillugit</b>	<b>3.820</b>	<b>88</b>	<b>2.391</b>	<b>6</b>

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/SONPEN2> aamma <http://bank.stat.gl/SONPEN3>)

Innuttaasut akornanni siusinaartumik soraarnerussutisiallit annertussusaat, missiliorlugu 50-inik ukiulinniit, annikitsuinnaapput, tassanngaanniit annertuumik qaffariaataat 1/4-it tungaannut annertussuseqarpoq.

Innuttaasut akornanni utoqqalinermi soraarnerussutisiallit annertussusaat, 70-it inorlugit ukiulinni 77 pct.-iuvoq, 70-illu sinnerlugit ukiulinniit soraarnerussutisiallit annertussusaat 100 pct.-imiilluni.

### Takussutissiaq 3. Soraarnerussutisiallit suaassusaat ukiuilu malillugit (dec. 2019)

Siusinaarluni	Angutit	Arnat	Katillugit	Annertus. (pct.)
18-24-nik ukiullit .....	51	40	91	2
25-34-nik ukiullit .....	118	85	203	2
35-44-nik ukiullit .....	138	86	224	3
45-54-inik ukiullit .....	280	285	565	7
55-64-inik ukiullit .....	593	598	1191	15
65+ .....	54	63	117	23
<b>Katillugit .....</b>	<b>1.234</b>	<b>1.157</b>	<b>2.391</b>	<b>6</b>

Utoqqalinermi	Angutit	Arnat	Katillugit	Annertus. (pct.)
70-it inorlugit .....	638	608	1246	77
70-74-inik ukiullit .....	646	507	1153	93
75-79-inik ukiullit .....	428	441	869	96
80-89-inik ukiullit .....	205	305	510	99
90+ .....	19	23	42	100
<b>Katillugit .....</b>	<b>1.936</b>	<b>1.884</b>	<b>3.820</b>	<b>88</b>

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/SONAPE1>) aamma (<http://bank.stat.gl/SONFPE1>)

### Soraarnerussutisiallit amerleriarneri ikileriarneri

Soraarnerussutisiallit amerleriarneri ikileriarneri ilanngutissallugit naleqquttuuvoq. Ataani takussutissiaq 4-mi aamma 5-imi takutinneqarput utoqqalinermi kiisalu siusinaarluni soraarnerussutisiallit amerleriarneri ikileriarneri piffissami 2016-imiit 2019-imut. 2017-imi soraarnerussutisiaqarunnaarsimasut tassaapput 2016-imi soraarnerussutisiaqarsimasut, 2017-imilu soraarnerussutisiaqalersimasut nutaat tassaallutik 2017-imi soraarnerussutisiaqartut, 2016-imiunngitsorli.

### Takussutissiaq 4. 2016-imiit 2019-imut utoqqalinermi soraarnerussutisiallit amerleriarneri ikileriarneri

	2016		2017		2018		2019	
	Amerleriarneri	Ikileriarneri	Amerleriarneri	Ikileriarneri	Amerleriarneri	Ikileriarneri	Amerleriarneri	Ikileriarneri
70-it inorlugit ..	457	61	99	92	267	79	359	73
70-74-inik ukiullit	53	81	20	91	22	70	28	87
75-79-inik ukiullit	16	74	6	71	7	81	9	83
80-89-inik ukiullit	9	76	3	75	4	79	1	92
90+ .....	1	4	0	8	0	10	0	12
<b>Katillugit</b>	<b>536</b>	<b>296</b>	<b>128</b>	<b>337</b>	<b>300</b>	<b>319</b>	<b>397</b>	<b>347</b>

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/SONAPE3>)

## Takussutissiaq 5. 2016-imiit 2019-imut siusinaarluni soraarnerussutisiallit amerleriarneri ikileriarneri

	2016		2017		2018		2019	
	Amerleriarneri	Ikileriarneri	Amerleriarneri	Ikileriarneri	Amerleriarneri	Ikileriarneri	Amerleriarneri	Ikileriarneri
18-24-nik ukiullit	17	3	27	4	27	5	30	5
25-34-nik ukiullit	18	9	11	10	18	8	26	4
35-44-nik ukiullit	8	22	9	8	18	7	13	10
45-54-inik ukiullit	50	94	27	33	78	32	65	35
55-64-inik ukiullit	79	252	94	94	175	69	126	70
65+	0	0	12	0	19	109	11	142
<b>Katillugit</b>	<b>172</b>	<b>380</b>	<b>180</b>	<b>149</b>	<b>335</b>	<b>230</b>	<b>271</b>	<b>266</b>

Najoqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/SONFPE3>)

Utoqqalineri soraarnerussutisiaqarsinnaanermut ukiut killigititat januaarip aallaqqaataanni 2017-imi 65-iniit 66-inut qaffanneqarput. Tamanna siullermik ima isumaqarpoq: Utoqqalineri soraarnerussutisiallit katillugit amerlassusaat apparpoq. Aappaattut: Siusinaartumik soraarnerussutisiallit katillugit amerlassusaat qaffappoq, tassani siusinaartumik soraarnerussutisiallit 65-inik ukiullit tamarmik utoqqalineri soraarnerussutisiaqalernissamut ukiumik ataatsimik sivisunerusumik utaqqinerusussanngormata.

2017-imi utoqqalineri soraarnerussutisiaqalersinnaanerup killigititaata qaffanneqarnerani siusinaarluni soraarnerussutisiallit 109-nik amerlatigisut utoqqalineri soraarnerussutisiaqalernissaminnut ukiumik ataatsimik utaqqepput. 2017-imi nalinginnaanngitsumik appariaateqarput (149), tamanna nalinginnaasumit 50-70 pct.-inik annertussuseqarpoq. 2018-imi utoqqalineri soraarnerussutisiallit nalinginnaasumit 140 pct.-imik annertutigisumik amerleriarneri.

2017-imi 39-t 66-inik ukioqalinnginnerminni utoqqalineri soraarnerussutisiallittut nalunaarsorsimapput. Taakku ukiumoortumik kisitsisini 3.789-iusuni ilaapput, kisitsisaataasivimmili ukiut malillugit pct-inngortinnerini ilanngullugit naatsorsorneqanngillat, pct.-inngortitsinnermi annertussusaat eqqunngitsumik inissisimalissammata. Tassani kisitsisaataasivimmi tabelini SOXAPE1, SOXPEN2 kiisalu saqqummersitami matumani takussutissiaq 2-mi saqqummersinneqartut pineqarput.

### Inatsit tunngavisoq

Ataani atuarneqarsinnaapput utoqqalineri aammalu siusinaarluni soraarnerussutisiat pillugit inatsisit tunngaviusut. Annertunerusumik

paasissutissanut Isumaginninnermut, Ilaqutariinnermut, Naligiissitaanermut Inatsisinillu Atuutsitsinnermut Naalakkersuisoqarfik, Namminersorlutik Oqartussat nittartagaanni <http://naalakkersuisut.gl> – imiittumi innersuussutigineqarpoq, tassani isumaginninnerup iluani inatsisit, peqqussutit nalunaarutillu il.il. atuutsinneqartut atuarneqarsinnaallutillu aaneqarsinnaapput.

### **Utoqqalinermi soraarnerussutisiat**

Inatsit tunngavigineqartoq: Utoqqalinersiaqarneq pillugu Inatsisartut inatsisaat nr. 20, 23. november 2015-meersoq, taassumali kingorna aaqqiissutit.

2010-miit 2016-imut 65-inik ukioqalereersimasut utoqqalinermi soraarnerussutisiaqarsinnaatitaapput. 1.januaari 2017 aallarnerfigalugu ukiunut killigitat 66-inut qaffanneqarput.

### **Siusinaarluni soraarnerussutisiat**

Inatsit tunngavigineqartoq: Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq, taassumalu kingorna aaqqiissutit.

Siusinaarluni soraarnerussutisiat timikkut, tarnikkut aamma/imaluunniit inunnik peqateqarsinnaanermik peqquteqartumik inuussutissarsiorsinnaannginnermi tunniunneqartarput. Siusinaarluni soraarnerussutisiat 18-ileereersimasunut, kisiannili suli 65-inik ukioqalersimangitsunut, tunniunneqartarput. Taamatutaaq 18-it inorlugit ukiullit siusinaarluni soraarnerussutisiaqarsinnaavoq apparisamat, inooqammut imaluunniit meeqqamat pilersuisussaataalluni inissisimappat.

## **Nalunaarsuutit tunngaviusut aamma periaaseq**

### **Kommunit nalunaarsuisarfiinit nalunaarsuutit**

Kisitsisitigut paasissutissani nalunaarsuutit atorneqartut kommunit soraarnerussutisianut naatsorsuuserisarfinit Naatsorsueqqissaartarfiullu inunnut nalunaarsuiffianit nalunaarsuutinik tunngaveqarput.

Pineqartut allaffissorluni aqutsinnermi nalunaarsuiffinninngaanneerput naatsorsueqqissaarnikkut atungassatut ineriartortitaanatik, taamaattumillu nalunaarsuutit tunngaviusut suliareqqillugit nalilersorlugillu suliaapput.

### **Inuit amerlassusaannik killiliineq**

Naatsorsuutini pineqartut tassaapput Naatsorsueqqissaartarfiup inunnik nalunaarsuiffiani inuit ukiup naanerani Kalaallit Nunaanni kommunini najugaqartutut allattorsimasut. Inuit allattorsimaffianni soraarnerussutisialik sumiiffimmi najugaqartutut allaqqasoq tassani



najugaqartutut naatsorsuussaavoq, inuillu allattorsimaffianni sumiiffimmi najugaqartutut naatsorsorneqarsimaneq kommunit naatsorsuuserisarfanni allami najugaqartutut allaqqasinnaalluni.

### **Ukiut**

Ukiumi kisitsiviusumi novembarip naanerani ukiorisat malinneqarput. Utoqqalinermi soraarnerussutisiat qaammatip 66-inik ukioqalerfiup tulliani tunniunneqarsinnaapput. Taamaasilluni novembarip naanerani 66-inik ukioqalersimasut tamarmik utoqqalinermi soraarnerussutisiaqalernissamut decembarimi qinnuteqarsinnaapput, novembarilli naanerani 66-inik ukioqalereersimanngitsut tamarmik utoqqalinermi soraarnerussutisiaqarsinnaatitaapput.

### **Periaaseq**

Naatsorsuutit soraarnerussutisiaqarnermut tunngasut kommunit naatsorsuuseriviannit Winformatik-imik taaneqartumit tigusaapput. Naatsorsuutit utoqqalinermi aammalu siusinaarluni soraarnerussutisiallit aningaaseriviannut nuunneqarsimasut aningaasat tunngaviusut malillugit tigusaapput. Soraarnerussutisiaqartitsinerit ukiumi naatsorsuuserivimmi pineqartumi qaammat decembarimi soraarnerussutisiaqarsimasutut allattorsimasut kisimik suliarineqarput. Naatsorsuutinilu takuneqarsinnaapput soraarnerussutisiat soraarnerussutisialinnut soorlu inissiisarfanni imaluunniit utoqqaat illuini najugaqartunut naleqqussagaanersut (kaasarfimmiuunersut).

### **Kommunit najugaqarfiillu**

Januaarip aallaqqaataat 2009 aallarnerfigalugu kommunit 18-iusimasut kommunerujussuarnut sisamanut katiterneqarput, 2018-imilu januaarip aallaqqaataani Qaasuitsup Kommunian aamma Kommune Qeqertalimmut kiisalu Avannaata Kommunianut avinneqarluni. Saqqummersitami matumani 2018-imi decembarimi kommunit avinneqarneri nutaat malinneqarput, kommuniusimasulli kommunini nutaani najugaqarfittut atorineqarput. Saqqummersitamilu kommuninut immikkoortiterinerni massakkut kommunit avinneqarneri pineqarput, najugaqarfinnullu immikkoortiterinerni 2009 sioqqullugu kommunit pineqarlutik. Immikkoortiterinerit marluk ataani takussutissiami takuneqarsinnaapput.

**Tabel 1. Kommunit najugaqarfiillu**

Kommuni	Kujalleq	Sermersooq	Qeqqata	Qeqertalik	Avannaata
Najugaqarfik	Nanortalik Qaqortoq Narsaq	Ivittuut Paamiut Nuuk Tasiilaq Ittoqqortoormiit	Maniitsoq Sisimiut	Kangaatsiaq Aasiaat Qasigiannuguit Qeqertarsuaq	Ilulissat Uummannaq Upernavik Qaanaaq

**Naatsorsuutinit allanit assigiinngissutit**

Naatsorsueqqissaartarfiup saqqummersissimasaani ”20XX-imi isumaginninnermi ikiorsiissutinik pisartut”-ni utoqqalinermi siusinaarlunilu soraarnerussutisianut kisitsisit allaanerupput.

Naatsorsuinermi periaatsit assigiinngissutaat nalunaarsuutitut tunngaviusunut periaatsimullu immikkoortumi takuneqarsinnaapput.

Saqqummersitaq pineqartoq 2018-imi atorunnaarpoq, kisitsisaataasivimmili tabeli ”2009-miit 20XX-mut isumaginninnermi tapiissutit (SOX0020)” ingerlateqqinneqarpoq. Kisitsisaataasivimmili Isumaginninnermut tunngasut ataani Toqqorsivik-mi pissarsiarineqarsinnaavoq.

Saqqummersitaq matuma saniatigut aamma ”20XX-imi utaqqiisaagallartumik isertitanut taarsiissutaasunik ikiorsiissutit”-nik, ”20XX-imi ineqarnermut tapiissutit”-nik kiisalu ”20XX-imi meeqqanut tapiissutit”-nik taarserneqarpoq.

2016-imiit 2019-imut kisitsisit atuutilersut ukunani

pissarsiarineqarsinnaalerput; SOXPEN6 aamma SOXPEN7. SOXPEN6-imi soraarnerussutisiallit aamma inatsisini paragrafit (takuuk immikkoortoq ‘Inatsit tunngaviusoq\* malillugit immikkoortiterneqarput. SOXPEN7 soraarnerussutisiat assigiinngitsut marluk takuneqarsinnaapput soraarnerussutisiat aappaqarnersut ersersinneqarlutik (aappallit, kisimiittut, paaqqinniffinni inissisimasut). Aappaqarnermut paasissutissat Naatsorsueqqissaartarfiup innuttaasunik nalunaarsorsimaffianit pissarsiarineqartarput, atuukkunnaartumi SOXPEN5-imi soraarnerussutisianit paasissutissat atorneqartarsimasut.

---

Ilisarnaatinut nassuiaatit  
... Paasissutissat pigineqanngillat  
.. Paasissutissat tatiginanngitsut ilisarinnilersitsisinnaasulluunniit  
. Kisitsisitaqarsinnaanngitsut  
0 Affaanit mikinerusut  
- Nul  
\* Kisitsisaagallartut imaluunniit missingersuut

Saaffiginniffissaq  
Sune Steenskjold  
E-mail: [sust@stat.gl](mailto:sust@stat.gl)  
Soraarnerussutisiat

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70 · Fax: +299 34 57 90  
[www.stat.gl](http://www.stat.gl) · e-mail: [stat@stat.gl](mailto:stat@stat.gl)

